

613/2024 EBAZPENA, IRAILAREN 5EKOA, OSAKIDETZAKO GIZA BALIABIDEEN ZUZENDARIARENA, OSAKIDETZA-EUSKAL OSASUN ZERBITZUKO ZUZENDARITZA NAGUSIAN ADMINISTRARI-LANPOSTU BATZUK ALDI BATERAKO BARNE-SUSTAPENAREN/ZERBITZU-EGINKIZUNEN BIDEZ BETETZEKO DEIALDIA EGITEN DUENA.

LANPOSTUA: ADMINISTRARIA

ZUZENDARITZA	ZUZENDARIORDETZA	ZERBITZUA	HIZKUNTZA-ESKAKIZUNA/DERIGORTASUN-DATA	DESTINO KOP	LANTOKI
Ekonomia eta Finantza Zuzendaritza		Administrazio-Kontratazio	2. HE - IRAUNGITA	2	Vitoria-Gasteiz
Ekonomia eta Finantza Zuzendaritza		Erosketa Zerbitzua	2. HE - IRAUNGITA	2	Vitoria-Gasteiz
Ekonomia eta Finantza Zuzendaritza		Zerbitzu estrategikoak	2. HE - IRAUNGITA	5	Vitoria-Gasteiz
Asistentzia Sanitarioko Zuzendaritza	Lehen mailako arretaren koordinazioa	Med. eta Enf. Irakaskuntza Unitatea, Fam. Y Com..	2. HE - IRAUNGITA	1	Gipuzkoa
Zuzendaritza Nagusial		Koordinazioa eta Komunikazioa	2. HE - IRAUNGITA	1	Vitoria-Gasteiz

LANALDIA: zatitua.

BALDINTZAK: (Agiri bidez egiaztatu beharko dira, CV aplikazioan jasota egon ezean).

Aldi baterako barne-sustapeneko eskatzaileentzat:

- Karrerako funtzionarioa, estatutupeko langilea edo lan-kontratuko langile finkoa izatea, Osakidetza-Euskal osasun zerbitzuko zerbitzu-erakundeei atxikia.



- Zerbitzu aktiboan egotea eta lortu nahi den titulazio-maila bereko edo txikiagoko beste kategoria batekoa izatea.
- Karrerako funtzionario gisa, estatutupeko langile finko gisa edo lan-kontratu finkodun administrari gisa izendaturik ez egotea, izendapen edo kontratu horrekin zerikusia duen administrazio-egoera edozein dela ere.
- Zuzendaritza Nagusira langile finko gisa atxikita egotea, Zuzendaritza Nagusiko langileen arteko barne-sustapenaren kasuan.
- Zuzendaritza Nagusia ez den beste zerbitzu-erakunde batera atxikita egotea langile finko gisa, zerbitzu-erakundeen arteko barne-sustapenaren kasuan.
- Kategoria bereko lanpostu batean aldi baterako barne-sustapenean badago, egoera horretan urtebete baino gehiago jarraian egotea.
- Osakidetza-Euskal Osasun Zerbitzua Ente Publikoaren lanpostu funtzionalak arautzen dituen uztailaren 19ko 186/2005 Dekretuan ezarritako titulazioa eta deitutako azken EPEko kategoriaren deialdiko oinarrietan eskatzen diren gainerako titulazio-eskakizunak izatea.

Baldintza horiek eskabideak aurkezteko epearen azken egunean bete behar dira.

Zerbitzu-eginkizunen eskatzaileentzat:

- Karrerako funtzionarioa, estatutupeko langilea edo lan-kontratuko langile finkoa izatea, Osakidetza-Euskal osasun zerbitzuko zerbitzu-erakundeei atxikia, edo karrerako funtzionarioa edo estatutario finkoa Osasun Sistema Nazionaleko gainerako osasun-zerbitzuetan, administrari laguntzaileen eta erabiltzaileei arreta emateko kategorian.
- Zerbitzu aktiboan egotea eta lanpostua jabetzan duen edo zerbitzu aktibora behin-behinean itzuli delako atxikita dagoen zerbitzu-erakundea ez den beste batean lanpostuak betetzeko eskaera egitea.

Baldintza horiek eskabideak aurkezteko epearen azken egunean bete behar dira.

MEREZIMENDUEN BAREMOA: (agiri bidez egiaztatu beharko dira, CV aplikazioan jasota ez badaude):

behin betiko barne-mugikortasuna:

Aldi baterako barne-sustapena eskatzen dutenentzat:

- EPEko oposizio-fasea (Gehienez 100 puntu)
- Lanbide-esperientzia (Gehienez 80 puntu)

Eskabideak aurkezteko epea irekitzen den egunera arte aitortuta duten zerbitzu-denbora zenbatuko da.

Zerbitzu-eginkizunen eskatzaileentzat:

- Lanbide-esperientzia, kategoria honetako azken lekualdatze-lehiaketan. (Gehienez 47,5 puntu).

Eskabideak aurkezteko epea irekitzen den egunera arte aitortuta duten zerbitzu-denbora zenbatuko da.

Euskararen ezagutza

Euskararen ezagutzaren balorazioari dagokion puntuazioa Osakidetzan euskararen erabilera normalizatzeko 67/2003 Dekretuaren 24. artikuluan ezarritakoarekin bat etorritz egingo da.

ESKABIDEAK AURKEZTEA:

Interesdunek Osakidetzako Zuzendaritza Nagusiko Giza Baliabideen Zuzendaritzara (Araba kalea 45, 01006 Vitoria-Gasteiz) bidali beharko dute eskabidea, datu pertsonal guztiekin eta dokumentatutako "Curriculum Vitae" arekin (aplikazio informatikoan baliozkotuta daukatenek izan ezik) eta eskatutako ezagutza espezifikoak egiaztatzeko egokitzat jotzen duten dokumentazioarekin batera.

Interesdunek aurkeztutako eskabidean, lortu nahi diren plaza guztiak adierazi beharko dira, baita zein ordenatan lortu nahi den ere.

Eskabideak aurkezteko epea 10 egun baliodunekoa izango da, deialdia web-orrian argitaratu eta hurrengo egunetik aurrera.

LEHENTASUN HURRENKERA

Lanpostua betetzeko lehentasun-ordena honako hau izango da:

1. – Aldi baterako barne-sustapena Zuzendaritza Nagusian. Sistema hori erabiliz lanpostua ezin bada bete, hurrengo zenbakian aurreikusitakora joko da.
2. – Zerbitzu-eginkizunak. Sistema hori erabiliz lanpostua ezin bada bete, hurrengo paragrafoan aurreikusitakora joko da.
3. – Zerbitzu-erakundeen arteko aldi baterako barne-sustapena.

BALORAZIO BATZORDEA:

Balorazio Batzorde bat eratuko da, Giza Baliabideak Hautatzeko eta Hornitzeko zuzendariodea edo haren ordezkoa buru dela, eta honako hauek osatuko dute: Plangintza eta Kudeaketako zuzendarioak, Administrazio Kontratazioko zerbitzuburuak eta teknikari juridiko batek (azken horrek idazkari gisa jardungo du).

HAUTAKETA-PROZEDURA:

Balorazio Batzordeak interesdunek garaiz eta behar bezala aurkeztutako dokumentazioa baloratuko du. Aurrekoa ikusita, dagokion izendapena formalizatzeko proposamena egingo da. Balorazio Batzordeak plaza bete gabe utzi ahal izango du, izangaiek eskatutako baldintzak betetzen ez badituzte.

EBAZPEN HONEN AURKAKO ERREKURTSOAK:

Ebazpen honen aurka gora jotzeko errekurtsoa aurkez dakioko Osakidetza-Euskal osasun zerbitzuko Zuzendaritza Nagusiari. Horretarako, hilabeteko epea emango da, ebazpen hau argitaratu eta hurrengo egunetik aurrera.

Vitoria-Gasteiz, 2024ko irailaren 5a

 **Osakidetza**

Josune Retegi Ormazabal
GIZA BALIABIDEEN ZUZENDARIA
DIRECTORA DE RECURSOS HUMANOS

GIZA BALIABIDEEN ZUZENDARIA

JOSUNE RETEGI ORMAZABAL